



陽
山
研
社

刻陽山誌序

夫匪言弗彰匪識弗傳凡彼事物莫不畢然况茲山乎故名跡標於郡記而文寔畧於圖經談形勢則句吳之鉅望叙古跡則夫差之所棲述靈異則繆氏之產龍着草木則農轅之論餘若北之類是皆錯現於羣編而聞出於民口者是故詩奇之士或辨析之未周博物之流亦鑿識之夫悉豈非使人勞心於檢閱而困智於訪來不資叙述之謀寧免隱時之歸乎予蓋家於是山爰自幼小建今已年餘年早捐干祿之業

夙敦肥遯之懷踪跡罕追於續碌言談每狎於芻蕘故此聞見之間旋加果紀玩讀之煩亦費者咨繇是隱者昭而悔者著矣而併集其詩文編成三卷目爲十篇篇各首述其旨而終讚之以俾將來之欲知是山者庶幾不出戶庭而高深之咸覩陟彼崔嵬豈文辭之有訛此非載勝之書而卧游之假哉予友顧君大有研文綜理索古窺今棲遲於山同丘共壑者也數相往來必有論討執予所作彌致稱嘉迺命工人梓而傳焉豈曰自矜其能良以顧君之意不能廢也

登录号 000088

函册

予故忘其褊淺重爲序嘉靖庚寅仲春望後鄴
郡岳岱撰

2

陽山志卷上

鄴郡岳岱撰



山勢第一

泉石第二

臺洞巖壁第三

古跡第四

山勢第一



夫玄黃判質則庶類咸陳牝牡分形則山川始定惟五嶽列鎮於天下名山特表於一邦大小雖殊厥理則一吳中山水冲澍歸鬱標名而檀美者眾矣若夫出雲為風雨獨雄而効靈者不在茲歟是用紀述其形勢以首請篇

山在郡城西北三十里高八百五十丈週迴四十五里其勢首尾延表南北東西面陽故名曰陽蓋取山東為朝陽山西為夕陽之義又以其勢四面飛動名曰四飛南北中三峯俱高北曰珠冠頂美之也中為箭關峯莫高於是矣摠而言之有十二峯

山之南多荒峻其西北皆崇巖浚壑林木森茂鬱然幽勝

其小山在西者曰陽抱曰青曰寒曰圖在南者曰瓜在北者曰管曰金芝曰雞籠或名憇龍雖

各立名然皆支隴相屬統於陽也
山之嶺南曰耙石西曰青山曰寒山北曰金芝
東曰白塔嶺上悉有路以通山行
山之塢西曰白龍曰青山東曰紫藤北曰戈家
曰瓜藤曰大石南曰菖蒲皆深靜
下有田皆就溪壑而成雨後則澗流高下以及
於田山間之民得以耕也

讚曰鬱鬱者陽卓彼吳望疇四四飛寔以其
狀亦有崔嵬霞表羣山歸然輔麗厥宗是焉
吐雲泄霧神靈攸閱若旱以禱隨獲甘澍翠

深北塢玉聳西巖爰居其地可以遊盤谷也

泉石第二

夫坤儀既成必以骨脉自寶良體亦峙豈外泉
互得名故蘊乎內者見乎表美於外者根於中
是以嘉山吐竒不言而人信君子體道逾隱爲
益彰

丁令威井在山東麓相傳是處有宅故井尚存
也
絕頂石壁下有井鑿石而成雖旱水不縮清洲
味甘非他水可及每至必屢啜而歸

4

雲泉在大石塢水自石上瀉納小池雖山下居
民不以操嬰爲遠者蓋亦泉之美也
上清澗在山北有橋亦從澗之名
有澗在白龍塢其水潺湲噴薄雨後益奇澗至
山半有石積挈臺是處可坐水於是分也下而
復合皆伏流亂石中又出而下去里許歸於溪
吳興白鐵道人王濟以厥勢蜿蜒題曰飛龍
大石在雲泉之上石上有庵因名曰雲泉有石
梁飛跨巖上又有石龕石證石牖皆天然奇勝
一石之間而衆美供得者殆亦少也

山之南有石玲瓏秀潤僂出太湖白塔嶺亦有
之多在土中

香爐石在箭闕峯北高聳數丈石上復有石生
於天然又無所屬勢如香爐故名

讚曰睠茲名山有美泉石旣美斯藏匪探曷
得石泓蘊澤在彼崇巖香爐數仞雲衣峩然
丹井千春遙瞻仙跡巨石盤陀翠開玉立紛
紛塵世欺弗爲羈信俾來臻孰不稱奇

臺洞巖壁第三

夫山體如定隨氣以成骨相旣存有奇必顯是

以爲臺爲洞爲巖爲壁吾未嘗不閱而愛也故
峭者可倚懸者可仰空有可探乎者可坐矣大
奚往弗得哉

箭闕之下有臺方廣三四丈上有古桂二株坐
此而曉可極目於東也

又有一臺前臨壑深勢若干仞令人莫能下視
昔有人好西方者於此捨身故名捨身

鷄籠山有洞戶在巔中有石磴盤旋而下昔有
探者白其去其遠燭盡而返上聞風濤舟櫓聲
太湖林屋之通穴歟

石室在白龍塢王其寬僅可置床几稍東又一
巖有上下洞儼如樓居白塢嶺亦有石室不及
此也

滴水巖右大石之東其石如怒猊掀脣其下可
坐數人水自吻出冬夏不竭雨後瀑布益可觀
也

前闕之下有石壁高十數丈鬱然蒼峭下列僧
房人之游者題名於此
白塢坑在白塢嶺上士人取白塢於此故坑中
甚深四起石壁是處絕奇勝

讚曰崇山孔深莫悉其勝弗之探求詎造深
靜粵茲仙洞孰造而然巖接石室吐霞納標
臺曰捨身寔以其峻垂堂有言臨此心震丈
殊石壁千古攸開懸石爲巖具曰奇哉

古跡第四

夫神怪其說君子莫之雅談民俗相傳紀作恐
乎或漏是以濡臺之士必求故實於前人該物
之流不謂蕪言於後述矣若茲山者高深而靜
必假事以表靈故仙流異人徃徃可考迺錄其
事以次於篇

有餘抗玻者周襄王時神女所葬也神多靈

蒸山南夏駕大塚者越王不審名塚也陽山亦
名蒸山

吳王夫差義千塚十八所相傳在山南二里今
失所在

夫差既殺子胥游於姑蘇臺晝寢而夢召公孫
聖問焉聖直言之遂怒殺聖仰天言曰天知
吾之寃乎忠而獲罪身死無辜葬我深山後世
相屬爲聲響於是夫差投之蒸丘及越入吳夫
差晝旤夜走達於秦餘杭山采生稻而食伏地

4

而飲曰是公孫聖所言不得火食走倖惶耶因
三呼公孫聖聖從空中三應之須臾越兵至擒
夫差於于隧于遂者出萬安山西南一里也於
是越王數夫差大過者六謂范蠡殺之者三越
王與之劍夫差旬日自殺越人累上葬之卑猶
曰蒸丘曰秦餘杭皆陽山別名或曰亦名卑猶
萬安山
吳太宰嚭塚在卑猶山嚭楚伯洲犁之孫楚誅
伯洲犁而奔吳吳以爲大夫讒於夫差殺子胥
吳越滅吳嚭誅亦葬此山

箭闕者俗傳秦始皇射也其傍有巨人跡著於
石上長五尺許

山有漢豫章太守陸列墓相傳在山南二里
晉司空陸玩墓在編籠山太康二年葬也土中
得石鳳飛去其子訥爲吳興太守終尚書令亦
葬此山

陸績墓在陽抱山元季崑山朱氏卜葬此山夢
朱衣人謂曰吾陸績也墓吾墓也君能讓之爾
後有興於是土中果得舊柳避而葬焉由是世
爲吳中縉紳之族代不乏人至今盛科日者皆

稱之

龍母塚在白龍塢塢之名由於塚也東晉隆安中山民繆氏女出游水傍遇白衣老人故今山西二里許有龍塘焉歸而孕父母惡逐之乞食里間明年三月十八日忽產一龍迅風折木雷雨晝暝既霽見白龍昇騰變性母遂驚絕因葬於此鄉人迺祠於山巔相傳龍子分職瀟湘每歲誕晨必歸山中見於雲表又即其塚而廟之上今完像祀焉

丁令威宅即丹井所在之處又名其山爲白鶴

耙石嶺相傳有異人於此耙山故今嶺東西石上皆有齒痕非人所僞

讚曰瞻彼崇隆鬱開古始邈懷求之異跡用紀若巔之闕孰夫孰絃異哉巨人着跡宛然葬女何神於篇有炳徂聖既投三呼三應丁仙歸鶴繆女驚龍紛紛靈奇厥理難終

陽山誌卷上

陽山誌卷中

鄴郡岳岱撰

寺菴廟第五

草木第六

藥產第七

堂墅第八

寺庵廟第五

夫禪誦之學必由清淨而成精進之徒豈捨安
間而處是次金姿寶相間開於巖壑之區列梵
諸宗相望於雲林之表矣茲山支隴陂陀四把
塚麓皆建佛刹名據清勝雖僻遠鮮羽人之摹
而游者皆有棲息而忘歸焉

澄照寺在白鶴峯下又名白鶴寺有二院一曰
仙泉一曰白蓮唐會昌間丁某捨宅爲寺相傳
即丁令威故宅某蓋令威之後宋學士謝濤嘗
讀書其中

文珠寺在箭闕峯元至正間僧法海開建或云
太定四年蔚禪師建也 國朝天順中僧 請
額再新之山東麓以昇悉治石磴盤析而上隨
有平臺茂樹以憇至則殿宇依石壁而構古樹
藤蘿垂覆其上東望城郭隱然可見

正住山居在淨明之南好爲曲逕以入皆松竹
交蔭有堂有樓皆軒爽至是者多游之
半山寺在山之東宣德間僧信所建山半聳一
巒寺據巒上一名源隱今已廢
大慈寺在山西澗之上元大德二年僧靜一
置是處有村村民以寺爲鎮
尊相寺在山北相傳最爲古剎然無碑記可考
或云晉所創也元季毀於兵火永樂間僧本間
重葺之廢址尚在
雲泉庵在山北深塢中元大德間僧覺明自尊

相八大石巖剎置 國朝匏庵吳寬 記之但
未及詳始欲循逕以入茂林幽澗若將迷焉行
漸深有臺至是少憩仰望樓閣勝不能圖攀磴
再上即之有長松美竹列映石門有佛閣軒亭
皆因宜構架石王前臨深壑松竹森鬱於下太
湖遠峯可收一望
景福庵在耙石嶺有竹林清池頗亦幽勝
顯濟廟在澄照之傍白龍母廟也宋太平興國
間廟在山南曹巷熙寧九年遷於是相傳昔京
口江步有白鬚老人云自長沙來買舟至陽山省

親許錢十千走與其半登舟令篙師瞑目忽抵
許市舟入隨至山間值風雨避於廟中忽於神
像前得錢始知爲龍遂以錢設僧供辭謝而去
逮令雨旱禱之輒應有司祀之代有封號有碑
東嶽廟在管山相傳宋皇祐間建也紹興中金
兵毀之淳熙丁未平江摠管開趙與道士周應
拳重建錄之者統於尊也
蘇司馬廟在山之南土地廟也前有古栢一株
或云宋植也
山神廟在金芝嶺

讚曰西疊翠峯惟茲靜深高低蘭若標隱雲
林鶴峯澄照令威仙宅箭闕文殊高倚石壁
雲泉之庵稱彼盤陀亦有諸寺各選巖阿爰
棲釋徒逍遙三五誦葉烹泉朝績夕鼓

草木第六

夫山林氣茂則百植駢生泉土攸宜則衆毛益
美是以奇丰之卉獨表於東南青葱之木無變
乎矣品類其繁池山所有茲不復紀焉
竹之類頗多惟毛竹高而美雲泉文珠背有之
人有分之植者移輒弗活蓋亦種之貴也

靈芝山中時生者多赤色亦有黃紫者不易得也

馬蹄草生箭闕峯葉類車前其氣芬香可置不篋中

長生草一名萬年松巖下澗邊生之拔於烈日中曝乾藏之雖久沃以水則青葱如故
有一草生山谷中細葉扶疎拳旋枝末着土即生根人罕識之或名曰鳳尾草
黃萱生山比岡阜間夏秋發花清香異於家植者真鵲嘴也

珊瑚樹高二三寸好生巖下竹間至秋子紅如珊瑚故名或有植之瓦缶中鬻於城者

金鵲花有二種其枝葉亦異一開於春初一開於春末花色黃赤狀似飛鳥故名

西白龍母廟有栢一株甚古大可二十圍相傳植於晉也

漆樹春生白花結子作房秋時綻開其色紅艷如花甚可愛亦山異木也
映山紅其樹尺許葉厚而深綠生子紅竹林中有之他山未見也

登青樹頗高葉經冬不凋生子紅至秋望之爛
慢可愛山為多食之

讚曰嘉茲異植媚彼岡麓或蔓或柯姻紺霧
綠珊瑚海樹奚產乎丘鳳尾載芬於谷之幽
竹栢苞茂真堅厥性靈芝秀發瑣芳曷並維
大維喬含姿吐香樂我隱人功歸后皇

藥產第七

夫崇山氣絳必生療疾之珠英靈阜仁全豈乏
通神之二舟是以攝生之士望巖澗以為資采
藥之徒瞻雨露而舉趾繁而莫辨未敢悉言故

但著其常取諸品於篇爾

人參生山高處或有能采者

菖蒲生間磧間采之芳香一名昌陽一名堯匪
一名蘭蓀

薯蕷山下有之蔓間生子可食根食之尤美別
名山芋

山梔夏初開花白而清香結實紅亦可染山頂
麓皆有之

野菊九月采花或有結實者而人罕知也
麥門冬多生竹林中人采其根即羊韭也

赤箭山麓間生之

金罌子叢生山下籬中春花白而香其莖多刺
子上亦有刺秋後可采

烏不跡草山下生之引蔓於草木間小黃花皆
成串結子夏秋間碧色可愛子下及蔓分處各
有一葉承之蓋以多刺弱脆飛鳥不能棲止故

名方士云可制汞

半夏生山下濕處

金銀藤山上下皆有之

瞿麥生山北澗谷中別名巨句

山查樹高二三尺七八月人采之

草龍膽生山谷中花如牽牛郎陵游也

牛膝山下生之莖間有節如膝故名

紫花地丁其葉類蟹臍二三月生紫花亦有白

花者山人采之合米粉爲丸造白醴用以爲藥

俗名酒藥草

白塏一名白石脂出山北深坑中土人用以巧

壁前代爲吳中土貢至今遠近取之

讚曰上古之民含真具林智欲肇興夫疾迺

作神農嘗藥軒轅著經雷岐繼出厥道逾神

茲山陂陀靈氣攸萃草木孔繁採抉咸至維
北厥產白石之脂雲滋雪皓遠近稱殊

堂墅第八

夫道以志隆情由居定故養心之士必嘉幽邈
而棲超俗之賢豈以荒閒爲歎經哲重損益之
爰詩人興澗谷之詠今之爲道亦民幾乎
唐顧煉師草堂言在陽山李頻有詩今莫定所
在
國朝虞公務白鶴山房在白鶴峯下永樂間公
務抗俗隱居知詩好禮當時吳下名流並崇其

志尚多題贈篇什可觀

王峯先生別墅在金芝殫北南山如屏北嶺爲
帶清流導前潺湲堂下籍厥幽閒先生名希周
居鄉歷公有穗有操本籍崑山陽抱山先墓所
近益恒居之

白鐵道人隱居在戈家塢是處巒壑成竒泉石
交美尤多松菓楊梅獨饒白鐵吳興王濟也因
游於蘇買山卜築之
陽山草堂在大石塢下顧大有居也其堂制壯
而美又有園池竹亭顧君工詩兼善繪事